

una cum reverendissimo in Christo patre et domino nostro archiepiscopo Magdeburgensi, domino Nuenborgensi et innumerabilibus principibus et praelatis tam spiritualibus quam saecularibus pro sanctissimo in Christo patre ac domino nostro domino Nicolao papa moderno, mandamus igitur vobis quatenus peramplius litteras peregrinas Felicis in sua obedientia nuncupati papae nec illorum qui sunt in Basilea ad exequendum in diocesi nostra non recipiatis. Datum Merseborgh in crastino sancti Laurentii martyris nostro sub sigillo anno .c. XLVII.

Venerabili viro domino Borchardo praeposito monasterii sancti Thomae Liptzensis canonicorum regularium .c. devoto nobis in Christo dilecto.

Nach der Handschrift 176 fol. 32 in der Universitätsbibliothek zu Leipzig.

No. 228. 1447. 3. Dec.

*B. Johann von Merseburg ordnet für die Domkirche und die Sixtikirche zu Merseburg, für die Thomaskirche zu Leipzig und die andern Pfarrkirchen seiner Diöcese das Frühläuten pro pace an und ertheilt den Andächtigen Ablass.*

Johannes dei gratia episcopus Merseburgensis universis et singulis Christi fidelibus per civitatem et diocesim nostram constitutis salutem in domino sempiternam. Ex iniuncto nobis pastoralis curae officio sollerter ampleximur gloriam omnipotentis dei et gloriosae virginis Mariae ipsius genitricis exaltare ac devotionem Christi fidelium quantum nobis ab alto conceditur augmentare, sperantes rationabile deo praestare obsequium, dum sui nominis cultum et gloriam nostri regiminis tempore magnificemus nostrae mentis aciem ad praemia aeterna convertentes. De maturo igitur venerabilium virorum dominorum praepositi, decani et capituli ecclesiae nostrae Merseburgensis consilio ad laudem et gloriam omnipotentis dei et suae gloriosae virginis matris Mariae decrevimus et auctoritate nostra praesentibus ordinaria indulgemus, quod tam in dicta nostra cathedrali, quam in sancti Sixti collegiata, in monasterio sancti Thomae Lipezensi singulisque parrochialibus ecclesiis civitatis et diocesis nostrarum singulis diebus de mane in ortu diei pulsus fieri pro pace, pro nostra et nostrorum subditorum gregisque fidelium nobis commissae incolumitate et prosperitate animarumque salute, quatenus ex his per nostrae sollicitudinis studium gloria divini nominis gloriosius extollatur salusque animarum uberius procuretur. Nos vero omnibus et singulis vere poenitentibus confessis et contritis, qui ad trinam pulsationem in aurora diei pro pace fiendam deum omnipotentem et gloriosam virginem Mariam matrem eius cum una dominica oratione et tribus salutationibus angelicis videlicet Ave Maria invocaverint pie et devote, de omnipotentis dei misericordia et beatorum Petri et Pauli apostolorum eius auctoritate ac sanctorum Johannis Laurentii Maximi Romani et Heinrici patronorum ecclesiae nostrae meritis confisi quadraginta dies indulgentiarum de iniunctis eis poenitentibus misericorditer in domino relaxamus, praesentibus perpetuis temporibus duraturis. Datum Merseburg anno a nativitate domini